



Publicaziuns dalla vischnaunca, jamna 34

Lubientscha da bagheggiar

L'instanza da bagheggiar ha concediu suandonta lubientscha da bagheggiar:

Nr. 2019 – 1025.000

Anita Huonder e Paul Schmidt, Werkstrasse 9, 7000 Cuera; spazzar il baghetg existent e construcziun nova d'ina casa d'ina famiglia sin parcella 76, Via Sut Vitg 14, 7186 Segnas.

Disentis/Mustér, ils 20 d'uost 2019

Uffeci da bagheggiar Disentis/Mustér

Annunzias da bagheggiar

All'instanza da bagheggiar ei sin fundament digl art. 64, alinea 2 dalla lescha da bagheggiar e digl art. 40 dall'ordinaziun davart la planisazion dil territori dil cantun Grischun OPT vegniu annunziau suandont project:

Nr. 2019 – 2070.000

Augusta e Remi Gadola-Bearth, Via Lucmagn 2, 7180 Disentis/Mustér; remplazzament dallas finiastras e renovaziun interna della fatschenta, parcella 725, Via Lucmagn 2, 7180 Disentis/Mustér

Nr. 2019 – 2058.000

Eva-Katharina e Marco Tomaschett, Via Plaun Sut 15, 7180 Disentis/Mustér; ereger ina seiv entuorn casa, parcella 3911, Via Plaun Sut 15, 7180 Disentis/Mustér

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 20 d'uost 2019

Uffeci da bagheggiar Disentis/Mustér

Sanaziun dalla Via Run e dalla Via Funs-Dado

Las preparativas per la sanaziun dalla Via Run e dalla Via Funs-Dado ein s'avanzadas aschi lunsch, ch'ei sa vegnir entschiet ils 19 d'uost 2019 cun las lavurs da construcziun.

Il project ei partius en suandonts tschun objects:

Nua Tgei Cu

1. Via Cons–cruschada Via Run
lingias da provediment ed avertura
19-8 entochen fin d'october 2019
2. Cruschada Via Run–Via Funs-Dado
sanaziun dalla via incl. lingias d'avvertura e provediment
20-09 entochen ca. Miez november 2019
3. Via Alpsu–cruschada Via Run
sanaziun dalla via incl. lingias d'avvertura e provediment
primavera/stad 2020
4. Cruschada Via Run–via d'uaul
sanaziun dalla via incl. lingias d'avvertura e provediment
primavera/stad 2020
5. Via Run e Via Funs-Dado
cuvrida fina 2021



Las lavurs da construcziun vegnan ad esser cumbinadas cun disturbis da traffic; per temps vegn igl access tiels schischoms ad esser impiedius. Il plazzal vegn organisaus taluisa ch'igl access cun vehichels a motor vegn ad esser pusseivels duront la fin d'jamna. A pei ei igl access tiel schischom da tut temps pusseivels. Untgidas vegnan signalisadas. Sch'ei fa basegns, vegn la vischnaunca ad organisar parcadis ella vischinonza ni a Cons. El decuors dallas lavurs vegn ei ad esser necessari d'informar ils pertuccai individualmein tenor il svilup dallas lavurs.

En cass da damondas concernent las lavurs da construcziun, l'organisaziun dil plazzal ed auters fatgs tecnics stattan Ursin Venzin dil biro d'inschignier Iso Mazzetta (tel. 081 943 17 22) ni il menader infrastructura Ervin Maissen (tel. 081 920 36 45) bugen a disposiziun.

Nus supplichein da prender enconuschientscha da quella situaziun ed engraziein per la capientscha.
Suprastanza communal Disentis/Mustér

Antennas

Artechel 73 dalla lescha cantunala davart la planisaziun dil territori pil cantun Grischun LPT formescha la basa fundamentala concernent la construcziun, il manteniment e la formaziun da baghetgs e stabiliments. Adina puspei constatein nus ch'indrezs e stabiliments sco antennas, seivs etc. vegnan pri ord funcziun resp. neglighi. Il spazi public fagess magari ina pli biala pareta sche antennas sco era seivs – che vegnan buca duvradas ni mantenidas pli – vegnessen demontadas resp. remplazzadas aschinavon che la situaziun pretenda.

Bien engraziament per Vossa contribuziun per segidar da mantener in bi maletg dil liug.

Disentis/Mustér, ils 20 d'uost 2019

Suprastanza communal Disentis/Mustér

Via d'uaul Runfoppa Sura

Impediments da traffic

Muort lavurs da reparaturas e manteniment vid la via d'uaul da Pégn Rodund entochen Runfoppa Sura ei da quintar cun temps da spetga. Nus supplichein da risguardar las signalisaziuns el liug. Oreifer il temps da lavur ei la via libra e carrabla senza impediments.

Nus supplichein da prender enconuschientscha da quests avis. Bien engraziament per la capientscha.

Disentis/Mustér, ils 13 d'uost 2019

Uffeci forestal Disentis/Mustér

Via Gassa da Cuoz – serrada dalla via

Notg dallas portas aviartas Basa Pumpiers Sursassiala

Per evitar accidents sin la Gassa da Cuoz a caschun dalla notg dallas portas aviartas dil **venderdis**,
ils 30 d'uost 2019, resta il tschancun dalla Gassa da Cuoz denter la sbuccada dalla Via Cuoz-Sut e la sbuccada en la Via Alpu serraus naven dallas 17.30 entochen allas 24.00 per tut il traffic motorisau. Igl access a pei ei da tut temps pusseivels. Pil traffic motorisau exista in'untgida sur la Val da Cuoz.

Nus supplichein da prender enconuschientscha da quest avis ed engraziein per la capientscha.

Disentis/Mustér, ils 20 d'uost 2019

Uffeci da baghegiar ed infrastructura Disentis/Mustér



Notg dallas portas aviartas

Venderdis, ils 30 d'uost 2019 naven dallas 18.30–24.00 arvan ils Pumpiers Sursassiala lur portas dil local a Cuoz. Quella acziun che vegn fatga en l'entira Svizra duei possibilitar in'investa ella lavur dils pumpiers d'ozildi. Nus fagein quei ensemen cun nos partenaris: la polizia, nossa gruppera samaritana, la Corporaziun d'aua Spina da Vin ed il menaschi tecnic dalla Vischnaunca da Mustér. Allas 19.00 suonda la rangaziun dils maletgs ch'ils scolars da Medel, Tujetsch e Mustér han creau aposte per quei di. Allas 19.30 succeda l'inauguraziun, benedicziun e surdada ufficiala dils novs vehichels. Silsuenter sepresentan las gruppas menziunadas. Ustria e bar sil plaz. Indigens e hospes ein cordialmein envidai. Nus selegrein da Vossa viseta. *Vos Pumpiers Sursassiala*

Uniun da giuventetgna Pardomat/Madernal/Disla/Cavardiras

Sera familiara 2019

Sonda, ils 24 d'uost 2018, ha noss'usitada sera familiara liug. Tut ils habitonts e convischins ein cordialmein envidai ell'ustria «Fravia» a Disla. La fiasta entscheiva allas 19.00. Nus selegrein da Vossa viseta e sin ina biala sera da cumionanza.

Cordialmein envida *l'uniun da giuventetgna PaMaDisCa*

Corporaziun d'aua Spina da Vin, Disentis/Mustér

Invit alla radunanza generala extraordinaria della Corporaziun d'aua Spina da Vin Mardis, ils 27 d'uost 2019 allas 20.00 ella ustria La Furca, Disentis/Mustér

Tractandas:

1. Beinvegni
2. Elecziun da dus dumbravuschs
3. Analisa da prestaziun aquaduct – orientaziun
4. Lingia da cirquit Via Clis – Via Sorts (Clavaniev) – credit
5. Niev sistem da direcziun – stan dallas lavurs
6. Niev logo Spina da Vin – orientaziun CD/CI
7. Varia

Tuttas commembras e tuts commembers ein cordialmein envidai e beinvegni.

Per la suprastonza *il president Aluis Flepp*

Annunzia fiera da Nadal 2019 a Disentis/Mustér

Prezai expositurs

Las Uniuns da dunnas da Disentis/Mustér e Tujetsch organiseschen alternont la fiera da Nadal. La fiera ha liug **sonda, ils 23 da november 2019** dallas 13.30–20.00 a Disentis/Mustér e vegn organisada dall'Uniun da dunnas Disentis/Mustér. Sin Voss'annunzia entochen sonda, ils 21 da settember 2019 selegra Uniun da dunnas Disentis/Mustér, Rita Huonder, Via Clavaniev 1, 7180 Disentis/Mustér, telefon 081 947 44 74 (la sera), 076 559 44 74 ni e-mail rita.huonder@bluewin.ch.

Cordials salids *Uniuns da dunnas*

Disentis/Mustér e Tujetsch



Uniun da dunnas Disentis/Mustér

Sentupada cun affons pigns e geniturs

La gruppera da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppera da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 29 d'uost 2019**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch
Cordialmein envida *Uniun da dunnas, ressort affons*

Uniun da gimnastica da dunnas Mustér

Nus entschevein puspei cun nossas uras da gimnastica: **Gievgia, ils 29 d'uost 2019**, allas 19.30.

Frauenturnverein Disentis

Wir beginnen wieder mit unseren Turnstunden: **Donnerstag, 29. August 2019**, um 19.30 Uhr.

Cuors BLS-AED-SRC cumplet

L'Uniun samaritana Mustér organisescha in cuors da reanimaziun BLS-AED-SRC cumplet. (Reanimaziun cun applicaziun dil defibrilatur automatic)

Per tgi: in e scadin che ha interess

Datum: **Sonda, ils 14 da settember 2019**

Uras: 8.00–12.15

Liug: Casa da scola Mustér

Annunzias: Ein da far entochen ils 6 da settember 2019

Martina Giger, tel: 079 299 36 13 (era per sclariment) e-mail: martina.casanova@gmx.ch

Gruppa da gimnastica per senioras

Las vacanzas ein finidas. Nus entschevein cun la gimnastica **ils 6 da settember 2019**.

Urari: Mintga venderdis 13.30–14.30 halla Cons Cordialmein envidein nus nossas commebras. Tgi enconuscha buca nossa gruppera? Sche Ti has plascher dalla gimnastica, neu e fa ina viseta nunligiont tier nus. Sclariment per tel. 081 947 56 43 / ni 081 947 53 32

Ad in bien e frestg seveser *Las menadras*

Bien engraziament, salids *Sabina Manetsch* Tel. 081 947 53 32